

黔陽縣志卷之一

湖廣辰州府沅州黔陽縣知縣張扶翼編撰

湖廣辰州府黔陽縣知縣王光電增輯

黔陽縣輿地圖論

廣輿至遠逸也於廣輿之中而有辰郡直彈丸耳於
彈丸辰郡內而圖其邑之所謂黔陽邑之所謂黔陽
之山川城郭宮室里居郵亭道路則又於彈丸之中
區別其方隅猶神龍之一鱗而巨羽之一毛也然於
星則有分也於地則有守也古者作邑命之匠人建
衙署以繫屬萬民作祠廟以贊皇王治儲倉廩以

志

卷之一

重臣本設陰醫以敬授民時而辟遠疾厲壇壝以祈
年邑厲以澤孤春籥以揆文秋閱以奮武疆域以界
外城關以衛內坊以治近里以齊遠表道里以信期
會速文命以飭郵傳凡此者布之不盈方寸之間覽
者乃有較如列眉之喻然則黔邑之在廣輿如巨羽
之一毛而不可謂非羽也神龍之一鱗而不可謂非
龍也是圖也其城則規以象天也有名識區畫者別
於星土之義也凡星皆有名而凡無星之處則皆辰
也民安上重遷附於土者也則凡有名識區畫者象

物象宜有物有則者也無名誠區畫者市墾井伍也
 皆民也民者萌也蠢蠢然動未有知也猶無星之處
 皆辰也辰麗於星猶民附於土之義也然則言天而
 地在其中矣何以守之大學之教口有德此有人亦
 人此有土作輿圖志

黔陽縣志

卷之一

二

東西廣三百二十里

南北袤二百十里

至本府陸路三百里

縣三百二十里


東至辰溪縣二百四十里

東南至武岡

黔陽縣

北至懷化

東北至



同會

世十四百四

地輿圖



黔陽縣志 卷之一
距省城水程二千二十五里

沿革論

沿革所以稽建置著時代也一邑之名必有由來若乃漢為鐔城義無攷矣梁時始名龍標今邑東門內為龍標山縣之得名意以此歟乃攷之廣輿記所載謂龍標為沅州地豈以黔附屬於沅而遂謂然歟唐貞觀八年析龍標縣置於朗溪之側朗溪今雖湮沒攷其遺踪且近出龍標山下王昌齡之尉龍標也至今祀在名宦昌齡去貞觀不遠則龍標之為邑舊也信矣至天寶初更名黔江則又以江名也嗣是而或

平爲城或併爲寨復陞爲縣於熙寧元豐之間豈地之興廢亦各有時歟作沿革志

禹貢荊州之域春秋時屬楚秦爲黔中郡地漢爲
鐔城縣屬武陵郡梁置龍標縣隋屬辰州唐貞觀
中析龍標縣置於朗溪之側爲朗溪縣屬溆州郎
今沅州天寶初更名黔江五季不入版圖宋熙寧
間平爲黔江城元豐中併鎮江寨陞爲黔陽縣隸辰州府元明仍舊名
本朝因之編戶舊五十八里永樂間併二十二里
今爲坊一里二十至康熙三十二年新編永興永

黔陽縣志

卷之一

寧永定三里共二十四里

分野論

按天文志楚翼軫之分野翼軫鶉尾之次位在巳夫楚之爲楚至寥廓矣於天下之大而有楚之省於楚之省而有辰郡於辰之郡而有黔陽一邑其爲邑也幾何矣而占驗之應與否一一繫屬於翼軫之分鶉尾之次耶且所謂分與次者其亦孰分之而孰次之耶昔春秋時昭公十七年冬有星孛於大辰西及漢申須梓慎及鄭裨竈皆占爲宋衛陳鄭將同日火次

年夏五月壬午宋衛陳鄭災夫宋大辰之野也幸於
大辰宋實當之陳鄭何以皆火耶星孛及漢漢於星
野未有分也衛何以亦火耶豈天變之應不必於星
有耑屬耶僧一行之言曰星之與土以精氣相屬蓋
積其土之精氣爲災爲祥爲氛爲祲騰而上之各於
其極積之有厚薄斯形之有大小久近其積於土也
有方隅斯其見於星也有分野第世無申須梓慎禘
龜其人耳苟有善測者以緯承經以星辨土寸寸而
分之不專於其星而於其辰一如雷渙之占劍氣不

獨王在豐城而審辨其在豐之獄也則於天下之大
而有楚之省於楚之省而有辰郡於辰之郡而有所
謂黔陽者安在其不繫屬於翼軫之分鶉尾之次也
耶然則君子上以仰觀天文之大下以俯察地理之
微中以審鏡人事之得失有一祥也不敢曰吾土實
當之而忘其敬戒有一眚也不敢曰非吾土之故而
不豫脩救備何者君子於天事無所不敬於人事無
所不謹故也若此者雖不於分野詳之亦可也作分

按史記天官書翼軫楚之分野翼二十二星凡十九度軫七星凡十七度軫宿鶉尾之次鶉尾白張十七度至軫十一度武陵入軫十度在晉隋時廢元皆屬武陵郡邑之分度當於軫之十度測之又按星經熒惑主楚漢書吳楚之疆候熒惑凡攷熒祥觀熒惑之所經行而天文志五車楚主司空五車五星在畢東北司空其中星也主楚司空星明其地歲豐歲星太白辰星聚軫主兵興太白犯軫則有兵黔陽當軫之十度其祥其稷固不必舍軫

而他求之也明矣

界至論

凡一邑之制必有畫域以明封疆之界必有道里以表遠近之至封疆有界凡界以內者一民其所有尺土其所守也道里遠近有至則徵發期會補程郵亭斥堠有飭也若夫何以有其民使日庶何以守厥土使日闢何以徵發期會畢至而民不煩何以郵亭斥堠飭傳而賓如歸此則有司者之責也不具論論其界至以明封疆之域以稽道里遠近之程蓋其責在

而南袤者環山帶水方二三百里之間是亦畜之所
謂巖邑也者是亦足以爲治也已夫豈猶小之乎爲
見也歟作界至志

縣治在府城西陸路三百五十里南至會同縣界
永樂舖四十里北至沅州界水寬鄉七十里東至
辰谿縣界鄭家村一百六十里西至沅州界板山
舖五十里南到會同縣一百一十里北到懷化驛
一百二十里東到辰谿縣二百四十里西到沅州
九十里東南到武岡州四百四十里西南到天柱

縣三百三十里西北到麻陽縣三百里東北到淑
浦縣三百二十里東到湖廣布政司水路二千二
十五里陸路一千五百一十里到京水路六千九
百二十里陸路五千六百五十里上水到沅州水
驛三程下水到辰州府水驛七程東西廣二百一
十里南北袤一百一十里

災異論

春秋之志災異也非僅志其災異而已凡先事之不
豫後事之不備兩者交譏焉一邑亦然天災流行何

國茂有惟修其救濟其備則雖有水旱厲疫之不時而災不爲虐何者其人事脩也黔邑數百年以來其謫見於天者遠而不可測也卽旱蝗厲疫之災亦不常見水患惟數罹焉然創未甚也順治丁亥年王師取沅黔城未卽下破之庚寅辛卯間亂兵馬盡忠王進才復踞其地殺戮荼毒城野爲墟已復敗走羅翁山據之出掠遠近凡七閱月又高李郝袁劉諸敗兵悉走掠邑境環邑數百里百姓死亡殆盡間有孑遺不得耕佃復值奇荒民夫妻相食析骨易子不足言

其慘加以豺虎噬人行道不通方是時也白骨遍野城廓荆榛蓋自有茲邑以來運際其屯未有若茲其極者也然揆其所以創深痛巨之源則邑無司牧也是時弁防爲政邑爲委署災異並至人事全無不獨脩救無術而已苟司牧有人政脩於上先事而豫爲之防當事而多爲之救後事而先爲之備卽當兵燹迭肆之日又何至於此極也乎作災異志

成化二年苗賊出寇傷殘甚多正德辛未大水城

北十一年大火嘉靖二十三年大疫二十六年

旱隆慶五年水災異常城內水深丈餘六年三月
雨雹如卵萬曆元年螟害禾十七年大旱三月不
雨傷稼民多流移三十六年洪水入城三十九年
大水損田無禾四十一年大水入城者二順治四
年丁亥十一月 王師取黔五年五月靖州降鎮
陳友龍叛知縣周文燁被執歿之是後馬盡忠王
進才據羅翁出掠供洪子第石太諸里爲墟袁宗
道張光萃據泐水出掠原神附城諸里悉爲荼戮
庚寅辛卯年連值奇荒斗米銀三兩民間初食草

實槐葉樹皮繼人相食民乃盡順治十五年五月
王師取滇再入版圖復飢羣虎食人十七年虎入
城康熙六年大火正南門迎薰樓新南門宣化樓
俱燬兩門內外民居俱燼康熙九年火災延燒民
房寺觀迎薰宣化二樓又燬康熙二十年大水城
內水深三尺康熙二十七年洪水驟汎高城三尺
居民室廬漂沒殆盡雍正十年三月暴風大作
宮倒壞寺觀衙署居民房屋壞者殆半

西南爲山川之所盤紆近邑之勝山則赤寶虎頭牛
坡金斗踞其四維遠則羅翁四面斗絕盤礴數百餘
里屹然稱巨鎮焉水則大江東注源出牂牁芷水廻
瀾來自鎮沅二水環流會爲黔江此其大者也若夫
別之以爲巖洞衍之以爲陂塘出之以爲雲雨滋之
以爲灌溉意所謂山不在高水不在深者歟惟著其
詳於民事者而名勝未嘗不舉焉則其在此不在彼
也不其然歟作山川志

龍標山 在縣治東赤寶爲屏沅靖二水合流如帶經
於其下儒學隍廟普明寺列建其上

黔陽縣志

卷之一

十

赤寶山 在縣城南對河山勢盤地挿空列嶂開屏爲
邑之面目出霞映如錦黔江出其下邑景稱

爲赤寶流清又曰寶繩流赤未邑時
居民結寨避寇其上又爲赤寶寨

鰲魚山 在城東三里爲邑水口又名水口山與明山相連有
亭宇松栝之勝爲邑人士所登眺邑令張扶翼有記

蟠龍山 在縣河西二里山勢蟠鬱如龍上有石室清
泉如綫邑景稱爲盤龍聳翠

明山 在縣之左山勢聳峻而
虎頭山 在城東三里其山勢如
伏虎邑景爲虎頭山

瀘會山 在城東北四十里山勢險峻明季
兵亂里民結寨自衛多所保聚
雞翁山 在城北四十里山形
如雞

牛坡山 在縣西北十里山勢環曲如
牛角邑景稱爲牛坡樵唱
赤竹山 在城東一百四十里
岡壘盤紆赤竹叢生

金斗山 在城西夕照翻影江光綉
彩邑景稱爲金斗斜陽
文峯山 在城東一百里削
立擁秀其狀如筆

紫霄山 在城北十五里峯巒聳秀勢若凌霄巖谷中
有紫氣相傳楊仙翁於此羽化

羅翁山 在城東南一百六十里周迴五百里四面險絕山有傷鵠鳴即雨昔有羅翁隱此山有道術士人所請輒應絕頂有池廣數里夜陰靈或有物如明月遊水上南有沙溪與武陽江合流分爲西溪宋熙寧間土豪舒光明於此據寨爲亂徭人破之山西北有地平廣數百畝歲旱此處獨稔號曰熟坪邑景稱爲羅翁晴嵐

鈎崖山 在城北七十里削峯插空峯垂如鈎中有泉窩每祈雨於此取水輒應人謂之鈎崖聖水

金龍山 在城南一百里山勢峻拔下有空窟出泉出外有竹數竿偃如掃土人異之

梁山 在城東六十里下有石洞洞有池土人遇旱祈禱多應

古佛山 在城東一百五十里石保鄉一里跨溪南遇歲旱祈雨有應上有弄劉二仙跡有古寺後廢

大角尖 在城南三十里雙峯聳翠遠拱縣城浮空隱秀

黔陽縣志 卷之十一

馬瑙山 在縣東八十里爲安江雄鎮立浮圖其上左右山形有如龍虎土人立寨其上以避苗害

馬鞍山 在城南三十五里縣之南界

巖泉洞 在城東北六十里地名豐坡幽深空窈中出分水入崖洞穴居春分

臥龍巖 在城西南四十里傍爲諸葛古城其洞深遠廣數十步深數里石壁如壁如至泉湧不竭石竈

二傳爲諸葛駐兵時置壁間宋人題詩尚存居民避苗寇掠多避其中

崖山 供三新市上舊有天柱寺宋熙寧間建今廢

鐘鼓巖 在城西門外二石並峙以石擊之一如鐘聲一如鼓聲

石橋 在城西門外下復人工穹然玉垂如渴虹西注

令張扶翼詩偶從人境外移向石橋西仰此

大洞溪 城東南五十里石洞深遠水泉湧出注而成

茶陵溪 城東八十里 長坡溪 城東九十里崖屋

大龍溪 城東南一百里 小龍溪 城東九十里源出

稔禾溪 城東南一百六十里供洪鄉源出羅翁山灌

淇溪 城東北一百七十里石保鄉

獅子灘 城東下水三里下有伏石狀如獅子因名沸

紫蘿百丈灘 在獅子灘下五里

漢水灘 在百丈灘下五里白馬角上其水源自底沸

鷓鴣灘 城東三十里邑景稱為鷓鴣春浪

卷之一 三

連洲灘 在鷓鴣灘下十里三灘洲渚相連因名

大泐瀉灘 在洪江下五里其水傾瀉而回瀉因名

小泐瀉灘 在大泐瀉 碗盞灘 在小泐瀉下十里

黃絲滾洞灘 去碗盞灘十里中泓拗折舟行最險

高瀟洞灘 城北三十里其水迅下折而復留因名險

難多流急橫岩截江間不容舟山川之峻

於斯而極不能悉載載其尤者著於篇

唐家溜 城北五里有倒樹挺生水底舟觸輒覆康熙

民張元好汨水以藤縛其根同 寧 城東一百六十

株親督民數百人拔之害除 里縣之東界

員同縣西南五十里舟行最險雍正八年知縣王光

龍陽洲 城西南沉渠兩江合流處中夾沙洲嶺巒雙

面數尺邑中之
士必有登科者

龍潭 城東五里深沉莫測
土人取水求雨多應

龍井 城南三里平地中一竅出水澄澈其鮮長盈不竭
惟百參伍晨曉望之霞光

井晨光

白梁界 路通安江于三楊師倫于景壽相繼修路
上里巷二以憩行旅後廢七世孫師沐繼修

冷水井 城東南一百里稔木溪相傳諸葛武侯駐師
於此乏水掘而得泉飲而耳之因名

雪騰湫 城東南九山里水泉沸湧濺珠如雪歲旱祈
之輒有雲雨之應又名雲騰湫

回龍塘 城東二里 大蓮塘 城北七里舊
蓮園名

黔陽縣志 卷之一 七

供溪 供三寨頭源出武岡有陂數十處可資
灌溉昌齡詩源水通波接武岡即此

清水塘 城東三里深濬莫測傍多石四時不竭
潤良田頗多大小旱取水祈雨多應傳云與江

水相通常有田器從江水流入
塘內人異之又名龍潭坪塘

紅蓮塘 城西南十里

金雞塘 縣南四十里托市相傳土人淘出金雞因名

長塘 城北七十里黎溪 竹坪堰 城北二十里

蔣家堰 城北七十里黎溪 將坪丁家堰 城東南一百
六十里

何家陵 城北十五里州溪 大車陂 城南二十里竹灘
種坪

大溪口陂 城東五十里 大黎溪陂 城北七十

龍田陂 城東八十里

熟坪陂 城東南一百里

婆田陂 城東南七十里

大崇溪陂 去縣一百二十里

木杉溪陂 去縣一百二十里

陂塘所以儲水泉滋灌溉也黔邑山高水急土瘠而澆雨多則苦潦若十日不雨則又苦旱陂塘之勝惟熟坪稔禾將坪淇溪煙溪大源諸處水源頗裕灌溉亦饒而熟坪稔禾源出羅翁田疇尤美自王馬二賊盤踞之餘徭人乘亂為梗十數年來昔之所謂良田美池今乃卒為汙萊矣其餘陂塘源

黔陽縣志

卷之一

小易竭天小旱輒已大澗原神一鄉為尤甚若因其源泉而益疏導之度其高下而益陂瀦之時其蓄洩而益調劑之則凡有源者皆是資也詩曰相其陰陽觀其流泉夫陰陽流泉此利之在天地者也若相與觀則全在乎人事矣今有司者之事象

形勝論

邑之有形勝所以固吾圉也予與曰固圉不以山谿之險謂在德不在險耳非盡謂其無藉於是也不然易王公設險以守國又曰地險山川丘陵也哉何謂

黔陽灘水在右渠水在左重峯列嶂負山臨江水陸之險備矣所謂巖邑者非歟若舊志所云龍井晏光金斗勻黃者此特邑之勝致夫亦流覽光景者之助耳邑之所重不在乎此也作形勝志

上扼滇黔下控湖襄南臨交廣北塞溪峒二水合流而注湖會漢羣山環聳而削玉凌空故其爲勝也龍井晨光虎山夜月柳溪烟雨張老雲霞牛坡樵唱獅灘漁網寶繩流赤金斗勻黃灘水迴瀾盤龍聳翠鷓鴣春浪羅翁晴嵐

景凡一十有二詳山川下

黔陽縣志

卷之一

三

風俗論

楚山水湍悍俗尚輕慆自古記之矣黔陽士樸女愿民務稼穡不爲逐末工習伎巧不爲惰窳在辰郡中號爲易治其由來遠矣若夫都里婚姻而論財其弊至於忍殺其子女而不育亦云敝矣又其甚者民間遇喪聚衆擊鼓歌唱達旦審其音節亦爲哀歎而作然是五谿餘習也何爲至今不去耶舊志稱其居喪一於哀戚意者禮義出自賢者故一變而至於道也歟至所稱遇病先於祈禱楚俗信巫而好鬼國

俗使然乎作風俗志

黔土壤沃饒民性悍直士競儒人文頗盛男不商賈而專務耕耘女厭冶容而頗事蠶織居喪一於哀戚遇病先於祈禱牛馬夜縱盜賊猶稀若乃不尚蓋藏而習好忿爭縱博偷安而人乏遠慮雖又俗之一變也

黔俗富家溺女貧家溺子萬曆三十七年縣令王公諱體道申詳 兩院立石縣前酌定聘禮粧奩稱家貧富以爲三等不許索求違者治罪富家產

女存活至二人者旌以仁育字匾貧家存活產子至二人者賞以銀米二事聘禮上等無過十六兩中等無過十兩下等無過六兩粧奩上等大小衣服俱無過四套首飾無過六兩中等大小衣服各無過二套首飾無過四兩下等衣服一套簪釧二事極貧者令男家自備永著爲令行之既久敝俗復興知縣張扶翼刊示申明其禁責令坊里戶首隣人互相舉察如有實貧不能存活男女者據實列名報縣給與銀米衣布以資育養全活多者賞

其戶隣遠者一體治罪以美俗之一變惟後之守
土者相繼而三五令申之庶幾溺子之俗其永在
也